

## 2023 NCEA Pūrongo Aromatawai

Te Marautanga o Aotearoa	Tikanga ā-lwi
Rā Aromatawai	25 Oketopa 2023
Te Momo Aromatawai	Kete Manarua (Digital submission)
Te Paerewa Paetae	Kaupae 2 - 92379 & 92380

### Wāhanga 1: He Tirohanga Whānui

**Kete** - ko te kete i pū mai i te pā harakeke me tōna whakapapa.

**Manarua** - e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākongā. Tuarua, ko te mana o te ākongā, ko tōna whānau, hapū, me tōna iwi hoki, ko tōna ake mana motuhake tonu.

He tāpaetanga ā-matihiko te āhua o te KETE MANARUA. Ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau aha atu aha atu.

Ko ngā kohikohinga aromatawai i tutuki i ngā marama o Maehe ki te 25 o Whiringa-ā-nuku.

Tokoiti ngā ākongā i whai tēnei Paerewa 92080. Nanakia te tuku whakaaro ā-tuhi me te whakaatu i ōna māramatanga ki ngā hiahia a te Paerewa. He kura huna e haere ake hei te tau 2024.

### Wāhanga 2: He kōrero mō te Paerewa

#### 92379: Te whakatewhatewha i tētahi take i tutū ai te puehu i Aotearoa

##### Te Tirohanga:

Ko te whāinga o tēnei paerewa he whakatewhatewha i tētahi take i tutū ai te puehu i Aotearoa. I whakawhiwhia te nuinga o ngā ākongā i uru ki tēnei aromatawai ki te māka Kore-i-whiwhi. Kīhai ēnei ākongā nei i tino whakakōrero, i tino whakatewhatewha i tētahi take i tutū ai te puehu i Aotearoa. Mō te taha hangarau, ko ētahi kāre he reo i roto i ngā mahi i hangaia e ngā ākongā. Nō ngā momo taupānga te hē, ehara i te mea nā te kura hoki i hē ai. Nā reira i tonoa te kura kia tuku anō i ngā mahi kia rongō mārika i te reo o ngā ākongā. Me whakamahi pea i te taupanga VLC i ēnei mahi nei, kia kitea rawatia ngā mahi. He pai ake te VLC i tēnā o te Windows Media Player. Ko te nuinga o ngā mahi i tukuna mai, he kōrero nō tō rātou rohe. Ko te nuinga o ngā take i kōrerohia, he take whenua, he take Tiriti.



Te Marautanga o Aotearoa

Tikanga ā-lwi

Rā Aromatawai

25 Oketopa 2023

Te Momo Aromatawai

Kete Manarua (Digital submission)

Te Paerewa Paetae

Kaupae 2 - 92379 & 92380

## Pūrongo Paerewa Paetae:

Ko ngā ākonga i eke ki te **Kairangi** i te paerewa paetae nei:

- i āta matapaki i tētahi take i tutū ai te puehu i Aotearoa, ā, i hāngai taua take ki te akonga anō.
- i whakamahia ngā kupu whakanikoniko i ā rātou kōrero.

Ko ngā ākonga i eke ki te **Kaiaka** i te paerewa paetae nei:

- i tūhura pai nei i tētahi take i tutū ai te puehu i Aotearoa.

Ko ngā ākonga i eke ki te **Paetae** i te paerewa paetae nei:

- kāre kau ngā ākonga i whakawhiwhia ki tēnei māka.



## 2023 NCEA Pūrongo Aromatawai

Te Marautanga o Aotearoa	Tikanga ā-lwi
Rā tuku Aromatawai	25 Oketopa 2023
Te Momo Aromatawai	Kete Manarua (Digital Submission)
Te Paerewa Paetae	Kaupae 2 - 92379 & 92380

### Wahanga 1: He Tirohanga Whānui

**Kete** - ko te kete i pū mai i te pā harakeke me tōna whakapapa.

**Manarua** - e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākongā. Tuarua, ko te mana o te ākongā, ko tōna whānau, hapū, me tōna iwi hoki, ko tōna ake mana motuhake tonu.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau aha atu aha atu.

Ko ngā kohikohinga aromatawai i tutuki i ngā marama o Maehe ki te 25 o Whiringa-ā-nuku.

Hē itiiti noa ngā ākongā i uru. Ina pēnei ka kore kitea ngā TAUIRA hei whai / āwhina mā ngā Kaiako. Ngā tātai raraungā kōrero; kā pōteretere te kite

### Wahanga 2: He kōrero mō te Paerewa

#### 92380: Te whakatewhatewha i ngā pāpātanga o tētahi tūāhuatanga o mua ki te iwi taketake

##### Te Tirohanga:

Kīhai i whakamārama i ngā pāpātanga o tētahi tūāhuatanga o mua ki te iwi taketake. Kāore hoki he taunakitanga. Kīhai hoki i te āta whai i ngā tikanga o ngā mahi nei. Ko ētahi, i kōrero hoki mō ngā tūāhuatanga kē.

##### Pūrongo Paerewa Paetae:

Ko ngā ākongā i eke ki te **Kairangi** i te paerewa paetae nei:

- i matapaki rawatia ngā pāpātanga o tētahi tūāhuatanga o mua ki te iwi taketake. I wete i ngā pāpātanga ki a rātou.
- ka mutu, i tūhonohono ai aua pāpātanga ki te ākongā anō.
- ka mutu, i hāngai ēnei tūāhuatanga ki te ākongā, ki tōna hapū anō.



Te Marautanga o Aotearoa

Rā tuku Aromatawai

Te Momo Aromatawai

Te Paerewa Paetae

Tikanga ā-Iwi

25 Oketopa 2023

Kete Manarua (Digital Submission)

Kaupae 2 - 92379 & 92380

Ko ngā ākonga i eke ki te **Kaiaka** i te paerewa paetae nei:

- i tūhura mārika nei i ngā pāpātanga o tētahi tūāhuatanga o mua ki te iwi taketake.

Ko ngā ākonga i eke ki te **Paetae** i te paerewa paetae nei:

- māia tonu te kite i tōna māramatanga ahakoa paku noa ngā taunaki kōrero.
- kaha kite i tōna paku mārama ki ngā take ā-iwi.
- tautohu te ākonga ki tētahi āhuatanga ā-iwi.

Ko ngā ākonga i eke ki te **Kāore i whiwhi** i te paerewa paetae nei:

- kīhai i whakamārama i ngā pāpātanga o tētahi tūāhuatanga o mua ki te iwi taketake.
- ka mutu, kāore hoki he taunakitanga i tāpirihia.

Kei te tārewa tonu

